

Resolución do 11 de marzo de 2016, da Xerencia de Xestión Integrada de Ourense, Verín e o Barco de Valdeorras pola que se convoca, para vinculación temporal, por concurso de méritos, a cobertura de diversas prazas da categoría de facultativo especialista de área para os servizos sanitarios de atención especializada de dita Xerencia.

De conformidade co establecido no artigo 67 do Decreto 206/2005, do 22 de xullo, de provisión de prazas de persoal estatutario do Servizo Galego de Saúde, e en virtude das competencias atribuídas polo Decreto 43/2013, do 21 de febreiro (DOG nº 47, do 7 de marzo), polo que se establece a estrutura orgánica dos servizos centrais do Servizo Galego de Saúde, modificado polo Decreto 111/2013, do 4 de xullo (DOG 140, do 24 de xullo), e na Orde do 5 de xullo de 2012 (DOG nº 139, do 20 de xullo) sobre delegación de competencias en órganos centrais e periféricos do Servizo Galego de Saúde, convócase proceso de selección de persoal temporal, para a cobertura das prazas da categoría de facultativo especialista que se recollen na convocatoria.

A súa vinculación realizarase mediante nomeamento estatutario temporal e o seu réxime de prestación de servizos poderá ser, indistintamente, en xornada de mañá e/ou tarde.

O proceso de selección realizarase de conformidade coas seguintes

BASES

Primeira. Obxecto

O obxecto da presente convocatoria é a selección de persoal temporal para a cobertura das prazas de facultativo especialista de área que se recollen no anexo I, ao abeiro do artigo 9 da Lei 55/2003, do 16 de decembro, do Estatuto Marco do persoal estatutario dos servizos de saúde.

Segunda. Requisitos para participar na convocatoria

Poderán participar na presente convocatoria os interesados que na data da finalización do prazo para a presentación de instancias reúnan os seguintes requisitos:

- Os enunciados no artigo 30.5 da Lei 55/2003, de 16 de decembro, do Estatuto Marco do persoal estatutario dos servizos de saúde.

- Título de Licenciado ou Doutor en Medicina e Cirurxía e o Título da especialidade correspondente á praza que se concursa. En caso de titulacións obtidas no estranxeiro, deberán achegar os documentos que acrediten a súa homologación ou recoñecemento.

Terceira. Solicitudes, taxas e documentación.

1. Os interesados en participar na convocatoria deberán presentar solicitude, segundo modelo de instancia que se achega como Anexo V, que poderá recollerse no Rexistro Xeral da Xerencia de Xestión Integrada, situado no Edificio Santa María Nai do Complexo Hospitalario Universitario de Ourense, planta -3; igualmente estará a disposición dos aspirantes na intranet da Xerencia de Xestión Integrada e na páxina web do Sergas (www.sergas.es).

As solicitudes, o xustificante de aboamento de taxas ou, de ser o caso, de estar exento delas, e a documentación anexa que conteña a xustificación dos requisitos e méritos presentaranse no rexistro da Xerencia de Xestión Integrada, situado no Edificio Santa María Nai do Complexo Hospitalario Universitario de Ourense, planta -3, dirixidas á Xerente de Xestión Integrada, no prazo de 15 días hábiles a contar desde o seguinte á data da publicación do anuncio da presente convocatoria no Diario Oficial de Galicia. Será causa de inadmisión ao proceso selectivo a presentación extemporánea da solicitude polo interesado.

As solicitudes e o resto da documentación poderán, así mesmo, presentarse a través de calquera dos rexistros previstos no artigo 38 da Lei 30/1992, do 26 de novembro, de réxime xurídico das Administracións públicas e do procedemento administrativo común.

2. Xunto coa solicitude os interesados deberán presentar xustificante de aboamento das taxas administrativas, por dereitos de inscrición por importe de 16,98 €. As taxas deberán aboarse mediante ingreso nunha das entidades financeiras colaboradoras autorizadas para a recadación de taxas e prezos na Comunidade Autónoma de Galicia. Para facer efectivo o ingreso empregárase

o impreso de autoliquidación que estará a disposición dos interesados no rexistro da Xerencia de Xestión Integrada e en calquera outro rexistro xeral da Comunidade Autónoma de Galicia.

A presentación do xustificante do ingreso das taxas no que non figure o selo da entidade bancaria, con indicación da data, determinará a exclusión do aspirante. En ningún caso, a presentación deste xustificante suporá a substitución da presentación en tempo e forma da solicitude. En todo caso, o aboamento das taxas deberá realizarse no prazo para a presentación de solicitudes.

Están exentos do pagamento das taxas as persoas que acrediten documentalmente, xunto coa instancia unha discapacidade igual ou superior ao 33 %, así como as persoas que sexan membros de familias numerosas clasificadas na categoría especial; no caso de membros de categoría xeral terán unha bonificación do 50 %.

Poderase facer efectivo o pagamento da taxa por Internet nas entidades financeiras actualmente autorizadas. Para isto, deberán acceder á oficina tributaria, a través da oficina virtual na páxina web da Consellería de Economía e Facenda (www.economiaefacenda.org) e premer a ligazón “taxas, prezos, multas e sancións” no menú da marxe esquerda. Neste caso, unha vez efectuado o pagamento da taxa correspondente, imprimirase o xustificante de ter aboada a taxa, que será o que se achegue xunto coa instancia. En ningún caso, a presentación deste xustificante suporá a substitución da presentación en tempo e forma da solicitude.

3. Xunto coa solicitude, deberá achegarse a seguinte documentación acreditativa dos requisitos e méritos dos interesados, salvo que os mesmos xa figuren presentados no expediente-e:

- Fotocopia compulsada do DNI ou do pasaporte ou documento que acredite a identidade, nacionalidade e data de nacemento do interesado, así como, de ser o caso, as circunstancias do dereito a que se refire a alínea a) do artigo 30.5 da Lei 55/2003, do 16 de decembro, do Estatuto Marco do persoal estatutario dos Servizos de Saúde.

- Declaración responsable de non ter sido separado do servizo, mediante expediente disciplinario, de calquera Servizo de Saúde ou Administración pública nos seis anos anteriores á convocatoria, nin atoparse inhabilitado con carácter firme para o exercicio de funcións públicas nin, de ser o caso, para a correspondente profesión.

- Certificación médica acreditativa da capacidade funcional para ao desempeño do posto de traballo.

- Documentación acreditativa dos méritos achegados.

- Memoria descritiva sobre as funcións a desenvolver na unidade á que postula e sobre a adecuación do seu currículo profesional ao posto convocado, realizada nun máximo de cinco follas escritas a dobre espazo.

Os documentos orixinais que se tivesen achegado polos aspirantes para acreditar os seus méritos seranlles devoltos ao remate do proceso selectivo.

No caso de que os méritos que se pretendan facer valer xa foran incluídos no expediente electrónico do Servizo Galego de Saúde (expediente-e) con anterioridade á data de presentación da solicitude non será necesario presentar de novo a documentación acreditativa dos mesmos.

Cuarta. Sistema de selección

A selección dos aspirantes á praza convocada, levarase a cabo por un procedemento de concurso de méritos que se desenvolverá en dúas fases, unha dirixida á valoración dos méritos acreditados de conformidade co baremo recollido no anexo III e unha segunda fase que consistirá na avaliación da memoria. A Comisión de Valoración, se o considera oportuno, poderá acordar a celebración dunha entrevista persoal aos aspirantes ao concurso, na que se defenderá a memoria presentada.

Só se terán en conta os méritos que o interesado reúna na data da publicación da convocatoria e acredite no prazo de presentación de instancias.

A puntuación total que os aspirantes poderán acadar polo conxunto de ámbalas dúas fases no proceso selectivo será de ata 100 puntos, distribuídas do seguinte xeito: na fase de valoración de méritos ata 70 puntos, na fase de avaliación da memoria ata 30 puntos.

Os aspirantes deberán acadar unha puntuación mínima de 14 puntos na fase de valoración da memoria, ou no seu caso, da entrevista, e de non acadarse a citada puntuación mínima por ningún dos aspirantes poderá quedar deserta a convocatoria.

Quinta. Comisións de Valoración

Para a selección dos aspirantes constituirase unha Comisión de Valoración por cada unha das especialidades convocadas, que terá como función avaliar os méritos acreditados polos interesados, e a cualificación da memoria, no seu caso, da entrevista, para posteriormente elevar proposta de adxudicación do nomeamento á Xerencia de Xestión Integrada.

As Comisións de Valoracións estarán compostas por un presidente, dous vogais e un secretario.

A condición de presidente recaerá nun director ou subdirector da Xerencia de Xestión Integrada do ámbito médico ou asistencial, licenciado sanitario. O presidente terá voto de calidade para o caso de empate nos votos emitidos polos vogais.

Os vogais serán persoal estatutario fixo ou funcionario de carreira e licenciados sanitarios.

O Secretario será un técnico da función administrativa con vínculo estatutario fixo, que actuará con voz pero sen voto. O secretario levantará acta de cada unha das sesións que celebre a comisión.

As comisións de Valoración, de acordo cos criterios anteriores, terán a composición que figura no anexo II.

A súa actuación rexerese polo disposto na normativa reguladora dos órganos colexiados. Os membros da Comisión deberán de absterse de intervir, notificándoo á Xerencia Xeral, cando concorran neles algunhas das circunstancias previstas no artigo 28 da Lei 30/1992, de 26 de novembro, do réxime xurídico das Administracións públicas e do procedemento administrativo común. Así mesmo, os aspirantes poderán recusar aos membros da Comisión cando ao seu xuízo concorran as citadas circunstancias.

Sexta. Procedemento e tramitación

1. Rematado o prazo de presentación das solicitudes, a Xerencia ditará resolución coa relación provisional de aspirantes admitidos e excluídos, indicando neste último caso a causa de exclusión.

Os aspirantes disporán dun prazo de cinco días hábiles, contados a partir do seguinte ao da publicación da citada resolución, para poder presentar as reclamacións que consideren oportunas, ou para poder emendar, de ser o caso, o defecto que motivase a exclusión.

Transcorrido este prazo, a Xerencia resolverá as reclamacións presentadas e publicarase a relación definitiva de aspirantes admitidos e excluídos ao proceso selectivo.

As reclamacións formuladas contra a relación provisional serán rexeitadas ou admitidas por medio da relación definitiva.

O feito de figurar na relación de admitidos non prexulga que se lles recoñeza aos interesados a posesión dos requisitos esixidos na convocatoria. Cando da documentación que debe presentarse se desprenda que non posúen algún dos requisitos, os interesados decaerán en todos os dereitos que puidesen derivar da súa participación no procedemento.

Os aspirantes que resulten excluídos definitivamente disporán do prazo dun mes desde o día seguinte ao da publicación da listaxe, para solicitar a devolución das taxas aboadas.

2. As Comisións de Valoración designadas procederán a baremar os méritos aportados polos aspirantes de conformidade co Anexo III.

No caso de que se acorde celebrar a entrevista publicarase a data, hora e lugar na que se iniciará a celebración das mesmas.

A celebración da entrevista non deberá realizarse antes de que transcorra un prazo mínimo de 48 horas desde a publicación do anuncio que determine a data e hora de comezo. As entrevistas realizaranse por estrita orde alfabética dos apelidos.

Os aspirantes deberán vir provistos do DNI ou documento oficial que acredite a súa identidade e nacionalidade.

Aqueles aspirantes que sendo citados non comparezan á entrevista serán excluídos da convocatoria.

3. Rematada a fase de valoración da memoria ou as entrevistas, no caso de que se acorde a súa celebración, as Comisións de Valoración publicarán a relación provisional de puntuacións, desagregadas por alíneas, obtidas polas aspirantes nas dúas fases, abrindo un prazo de cinco días



hábiles para que os interesados poidan realizar as reclamacións que estimen pertinentes, que serán resoltas pola propia Comisión.

Resoltas as reclamacións, as Comisións de Valoración publicarán as relacións definitivas de puntuacións. As reclamacións formuladas contra a relación provisional serán rexeitadas ou admitidas por medio da relación definitiva.

Asemade, elevará o listado definitivo por orde de prelación á Xerencia de Xestión Integrada coa proposta de adxudicación do vínculo a favor daqueles aspirantes que acredite a maior puntuación, agás que concorran circunstancias que xustifiquen que a convocatoria quede deserta, neste caso deberán constar as razóns que motiven dita proposta.

4. En calquera momento do proceso se as Comisións de Valoración tivesen coñecemento de que algún aspirante non cumpre algún dos requisitos esixidos pola convocatoria, logo da audiencia ao interesado, deberá acordar a súa exclusión se procede.

Así mesmo, as Comisións de Valoración poderán solicitar a ampliación ou aclaración da documentación aos aspirantes, para os efectos da valoración dos méritos.

5. De producirse empate na puntuación, a orde de desempate será a seguinte:

a) A aspirante de sexo feminino sobre o de sexo masculino, cando na especialidade convocada se dean no centro as condicións de infrarepresentación previstas no artigo 37 da Lei 7/2004, do 16 de xullo, galega para a igualdade de mulleres e homes.

b) Pola orde de maior a menor puntuación obtida polo interesado en cada alínea do baremo pola orde das súas letras.

c) De maior a menor idade.

Sétima. Resolución

No prazo de vinte días naturais, a Xerencia de Xestión Integrada publicará a resolución pola que se acorde a adxudicación do nomeamento aos aspirantes que resulten das propostas da Comisións de Valoración, indicando as datas ou, de ser o caso, os prazos no que se debe tomar posesión. De non tomar posesión na dato u prazo indicado, os interesados perderán os dereitos como adxudicatarios ao nomeamentos, podendo ser chamado os aspirantes seguintes de conformidade coa orde de maior a menor puntuación outorgada polas Comisións de Valoración.

Oitava. Normas Xerais

A publicación dos actos e resolucións que se diten na tramitación deste procedemento realizarase nos taboleiros de anuncios dos centros adscritos á Xerencia de Xestión Integrada de Ourense, Verín e o Barco de Valdeorras, e na intranet da Xerencia de Xestión Integrada de Ourense, Verín e o Barco de Valdeorras e na páxina web do Servizo Galego de Saúde.

Os anuncios de convocatoria que supoñan a comparecencia dos interesados publicaranse nos citados taboleiros e na intranet da Xerencia de Xestión Integrada, alomenos, con corenta e oito horas de antelación a data e hora da mesma.

No non previsto na presente convocatoria, aplicaranse supletoriamente as disposicións contidas na Lei 30/1992, do 26 de novembro, do réxime xurídico das Administracións públicas e do procedemento administrativo común.

Novena. Recursos.

Contra a presente Resolución poderá interpoñerse, nos termos previstos na Lei 30/1992, de 26 de novembro, do réxime xurídico das Administracións públicas e do procedemento administrativo común, recurso de alzada perante a Dirección Xeral de Recursos Humanos do Servizo Galego de Saúde, no prazo de un mes contado desde o día seguinte a publicación.

Ourense, 11 de marzo de 2016

A XERENTE DE XESTIÓN INTEGRADA

Asdo.: Eloína Núñez Masid

**DILIXENCIA**

Para facer constar que o día 4 de abril de 2016 publícase no DOG núm. 63 o anuncio da presente convocatoria, e se procede a súa publicación nos taboleiros de anuncios dos centros adscritos á estrutura organizativa de xestión integrada de Ourense, Verín e o Barco de Valdeorras.

ANEXO I
RELACIÓN PRAZAS CONVOCADAS

ESPECIALIDADE	CIUO PRAZAS/NOMEAMENTO	HOSPITAL BARCO VALDEORRAS PRAZAS/NOMEAMENTO	HOSPITAL VERÍN PRAZAS/NOMEAMENTO
ANESTESIOLOXÍA E REANIMACIÓN	4 Interinidade	1 Interinidade 1 substitución reserva praza	1 substitución reserva praza
CARDIOLOXÍA		1 substitución reserva praza	
CIRURXÍA XERAL E APARELLO DIXESTIVO	2 Interinidade		
DERMATOLOXÍA			1 substitución reserva praza
DIXESTIVO	1 Interinidade	1 Interinidade	1 Interinidade
MEDICINA INTENSIVA	1 Interinidade		
MEDICINA INTERNA		1 substitución reserva praza	2 substitución reserva praza
MEDICINA PREVENTIVA	1 Interinidade		
NEFROLOXÍA	1 Interinidade 1 substitución reserva praza		
NEUMOLOXÍA	1 substitución reserva praza		
NEUROLOXÍA			1 Interinidade
OBSTETRICIA E XINECOLOXÍA	3 Interinidade	1 substitución reserva praza	
ONCOLOXÍA MÉDICA	1 Interinidade	1 Interinidade	1 Interinidade
OTORRINOLARINGOLOXÍA	1 Interinidade 1 substitución reserva praza		
PEDIATRÍA	4 Interinidade		
PSIQUIATRÍA	1 Interinidade		
RADIODIAGNÓSTICO	2 Interinidade 1 substitución reserva praza	1 substitución reserva praza	
REHABILITACIÓN	1 Interinidade	1 Interinidade	
UROLOXÍA	1 Interinidade		

ANEXO II
COMPOSICIÓN COMISIÓNS AVALIACIÓN

ESPECIALIDADE	CONDICIÓN	TITULARES	SUPLENTES
ANESTESIOLOXÍA E REANIMACIÓN	Presidente	María Jesús Fernández Silva	Guillermina Agulla Budiño
	Vogais	Fermín Domínguez Hervella	Martín Bayón Gago
		M ^a . De la Luz Canovas Martín	Luís Martín Muñoz
	Secretaría	María Peña Álvarez	Ana Lorenzo Carballo

ESPECIALIDADE	CONDICIÓN	TITULARES	SUPLENTES
CARDIOLOXÍA	Presidente	María Jesús Fernández Silva	Guillermina Agulla Budiño
	Vogais	Elvira Dorinda Blanco Labrador	Angel Faustino de la Peña García
		Manuel García García	Alfonso Sánchez Prieto
	Secretaría	María Peña Álvarez	Ana Lorenzo Carballo

ESPECIALIDADE	CONDICIÓN	TITULARES	SUPLENTES
CIRURXÍA XERAL E APARELLO DIXESTIVO	Presidente	María Jesús Fernández Silva	Guillermina Agulla Budiño
	Vogais	Manuel García García	Francisco Javier Reboredo Vieites
		José Carlos López Velado	Pedro Trillo Parejo
	Secretaría	María Peña Álvarez	Ana Lorenzo Carballo

ESPECIALIDADE	CONDICIÓN	TITULARES	SUPLENTES
DERMATOLOXÍA	Presidente	María Jesús Fernández Silva	Guillermina Agulla Budiño
	Vogais	José Miguel Gómez Domínguez	Fernando Cabo Gómez
		José Álvarez López	Fernando Martín Rodríguez
	Secretaría	María Peña Álvarez	Ana Lorenzo Carballo

ESPECIALIDADE	CONDICIÓN	TITULARES	SUPLENTES
DIXESTIVO	Presidente	María Jesús Fernández Silva	Guillermina Agulla Budiño
	Vogais	Joaquín Cubiella Fernández	Miguel Ángel Pato Rodríguez
		Ramiro Manuel Macenlle García	Eloy Sánchez Hernández
	Secretaría	María Peña Álvarez	Ana Lorenzo Carballo

ESPECIALIDADE	CONDICIÓN	TITULARES	SUPLENTES
MEDICINA INTERNA	Presidente	María Jesús Fernández Silva	Guillermina Agulla Budiño
	Vogais	Amalia Cadavid Rodríguez	Manuel Fernández Muínelo
		Raúl Rodríguez Pérez	Francisco Javier López Ochoa
	Secretaría	María Peña Álvarez	Ana Lorenzo Carballo

ESPECIALIDADE	CONDICIÓN	TITULARES	SUPLENTES
MEDICINA INTENSIVA	Presidente	María Jesús Fernández Silva	Guillermina Agulla Budiño
	Vogais	Victor López Ciudad	María José de la Torre Fernández
		José Carlos Villar Chao	Antonio Garrido Valenzuela
	Secretaría	María Peña Álvarez	Ana Lorenzo Carballo

ESPECIALIDADE	CONDICIÓN	TITULARES	SUPLENTES
MEDICINA PREVENTIVA	Presidente	María Jesús Fernández Silva	Guillermina Agulla Budiño
	Vogais	Berta María Uriel Latorre	José Luis Uribe Espinosa
		María Sande Meijide	Luis Rodríguez Rodríguez
	Secretaría	María Peña Álvarez	Ana Lorenzo Carballo

ESPECIALIDADE	CONDICIÓN	TITULARES	SUPLENTES
NEFROLOXÍA	Presidente	María Jesús Fernández Silva	Guillermina Agulla Budiño
	Vogais	Alfonso Otero González	Ana Isabel Díaz Mareque
		Alfonso Iglesias Forneiro	Cristina Pérez Melón
	Secretaría	María Peña Álvarez	Ana Lorenzo Carballo

ESPECIALIDADE	CONDICIÓN	TITULARES	SUPLENTES
NEUMOLOXÍA	Presidente	María Jesús Fernández Silva	Guillermina Agulla Budiño
	Vogais	José Abal Arca	Adelaida Acuña Fernández
		Abel Rodríguez Canal	Jaime Antonio Pavón Freire
	Secretaría	María Peña Álvarez	Ana Lorenzo Carballo

ESPECIALIDADE	CONDICIÓN	TITULARES	SUPLENTES
NEUROLOXÍA	Presidente	María Jesús Fernández Silva	Guillermina Agulla Budiño
	Vogais	Daniel Apolinar García Estévez	Diego Rodríguez Gómez
		María del Carmen Cid Rodríguez	Doñores García Bargo
	Secretaría	María Peña Álvarez	Ana Lorenzo Carballo

ESPECIALIDADE	CONDICIÓN	TITULARES	SUPLENTES
OBSTETRICIA E XINECOLOXÍA	Presidente	María Jesús Fernández Silva	Guillermina Agulla Budiño
	Vogais	José Luís Doval Conde	Susana Blanco Pérez
		Francisco Javier Castrillo Gutierrez	Esther Álvarez Silvares
	Secretaría	María Peña Álvarez	Ana Lorenzo Carballo

ESPECIALIDADE	CONDICIÓN	TITULARES	SUPLENTES
ONCOLOXÍA MÉDICA	Presidente	María Jesús Fernández Silva	Guillermina Agulla Budiño
	Vogais	Jesús García Mata	Eva Pérez López
		Jesús García Gómez	José Luis Fírvida Pérez
	Secretaría	María Peña Álvarez	Ana Lorenzo Carballo

ESPECIALIDADE	CONDICIÓN	TITULARES	SUPLENTES
OTORRINOLARINGOLOXÍA	Presidente	María Jesús Fernández Silva	Guillermina Agulla Budiño
	Vogais	Manuel Blanco Labrador	José García Juncal
		José María García Calleja	Socorro Tedín García
	Secretaría	María Peña Álvarez	Ana Lorenzo Carballo

ESPECIALIDADE	CONDICIÓN	TITULARES	SUPLENTES
PEDIATRÍA	Presidente	María Jesús Fernández Silva	Guillermina Agulla Budiño
	Vogais	Nieves Balado Insunza	Ana Isabel Viñares Porto Domínguez
		José Luís Doval Conde	Esther Álvarez Silvares
	Secretaría	María Peña Álvarez	Ana Lorenzo Carballo

ESPECIALIDADE	CONDICIÓN	TITULARES	SUPLENTES
PSIQUIATRÍA	Presidente	María Jesús Fernández Silva	Guillermina Agulla Budiño
	Vogais	María Jesús Gómez Rodríguez	Isabel García Lado
		Luis Docasar Bertolo	Ernesto Ferrer Gómez del Valle
	Secretaría	María Peña Álvarez	Ana Lorenzo Carballo

ESPECIALIDADE	CONDICIÓN	TITULARES	SUPLENTES
RADIOLOGÍA	Presidente	María Jesús Fernández Silva	Guillermina Agulla Budiño
	Vogais	Manuel Angel Trillo Lista	José Enrique Millán Suárez
		Purificación Pardo Rojas	José Antonio Pumar Fernández
Secretaría	María Peña Álvarez	Ana Lorenzo Carballo	
ESPECIALIDADE	CONDICIÓN	TITULARES	SUPLENTES
REHABILITACIÓN	Presidente	María Jesús Fernández Silva	Guillermina Agulla Budiño
	Vogais	Xoan Miguéns Vázquez	María Jesús López Vila
		Ana Pastor Zapata	Martina Fernández Blanco
Secretaría	María Peña Álvarez	Ana Lorenzo Carballo	
ESPECIALIDADE	CONDICIÓN	TITULARES	SUPLENTES
UROLOXÍA	Presidente	María Jesús Fernández Silva	Guillermina Agulla Budiño
	Vogais	Dionisio Lopez Bellido	José Luís Cagide Montero
		Rogelio José Valbuena Álvarez	Juan Rodríguez de la Rúa Román
Secretaría	María Peña Álvarez	Ana Lorenzo Carballo	

ANEXO III
BAREMO DE MÉRITOS

Os méritos valorables, que se computarán ata a data de publicación do anuncio no DOG da presente convocatoria, son os que a continuación se relacionan.

A puntuación máxima a acadar por cada aspirante polos méritos previstos neste apartado será ata **70 puntos**.

1. Experiencia profesional:

-Por cada mes completo de servizos prestados na especialidade en institucións sanitarias do Sistema Nacional de Saúde ou do sistema sanitario público dun país da Unión Europea: 0,30 puntos/mes.

-Por cada mes completo de servizos prestados na especialidade noutras Administracións públicas de España ou dun país da Unión Europea ou en programas de cooperación internacional debidamente autorizados ao servizo de organizacións de cooperación internacional: 0,10 puntos/mes.

-Por cada mes completo de servizos prestados na especialidade en institucións sanitarias privadas concertadas e/ou acreditadas para a docencia de España ou dun país da Unión Europea: 0,05 puntos/mes.

-Por cada mes completo de servizos prestados noutra categoría ou especialidade de persoal licenciado sanitario en institucións sanitarias do Sistema Nacional de Saúde ou do sistema sanitario público dun país da Unión Europea: 0,05 puntos/mes.

Os meses serán computados por días naturais.

Salvo para os nomeamentos de atención continuada ou gardas en atención extrahospitalaria, o cómputo dos servizos prestados efectuarase por meses. Para elo calcularase en cada apartado do baremo o número total de días e dividirase entre 30, de tal xeito que o que se valorará en cada apartado será el cociente enteiro, desprezándose os decimais.

En ningún caso, a suma dos servizos prestados con distintos nomeamentos dentro do mesmo mes natural, poderá valorarse por encima da puntuación establecida para o devandito período dun mes.

En ningún caso, un mesmo período de servizos prestados poderá ser obxecto de valoración en distintos apartados do baremo. De igual xeito, un mesmo período de tempo de servizos prestados non poderá ser obxecto de valoración en máis dunha categoría/especialidade, ou en varios servizos o unidades, tanto do mesmo como de diferente centro.

Os servizos prestados con nomeamento de atención continuada ou gardas en urxencias extrahospitalarias, computaranse co criterio de equivalencia dun mes completo por cada 130 horas traballadas en devandito mes, ou a parte proporcional que corresponda á fracción. Se dentro dun mes natural realizáronse máis de 130 horas, soamente poderá valorarse un mes de servizos prestados, sen que o exceso de horas efectuado poida ser aplicado para o cómputo de servizos prestados noutro mes.

O período de formación para a obtención do título de especialista non poderá ser valorado, en ningún caso, como tempo de servizos prestados.

Os servizos prestados durante o período en que se disfrute dunha redución de xornada para o coidado de familiares, serán valorados como servizos prestados en réxime de xornada completa.

Os servizos prestados polo persoal especificamente nomeado a tempo parcial serán valorados coa conseguinte redución.

Para a valoración dos servizos prestados en institucións privadas os/as interesados/as deberán presentar documentación que acredite que as mesmas están concertadas e/ou acreditadas para a docencia. Noutro caso, os devanditos servizos non serán obxecto de valoración.

Para a valoración dos servizos prestados en institucións ou centros de calquera país da Unión Europea, os/as interesados/as deberán presentar documentación que acredite a titularidade pública ou privada dos mesmos. Noutro caso, os devanditos servizos non serán obxecto de valoración.

A máxima puntuación que se poderá obter por experiencia profesional será de **38 puntos**.

2. Formación:

2.1 Formación Académica:

a) Grao:

-Licenciatura:

Plan antigo:

Por cada matrícula de honra: 0,50 puntos

Por cada sobresaliente: 0,25 puntos

Por cada notable: 0,10 puntos

Non se valorará o sobresaliente cando se obtivese matrícula de honra.

A suma das puntuacións dividirase polo número total de materias avaliadas no plan de estudos, expresando o cociente con dous decimais.

Non se valorarán as materias de idioma, relixión, formación política e educación física.

Plan novo:

A puntuación correspondente aos estudos de cada aspirante obterase mediante a aplicación do seguinte algoritmo:

$$0,10 Cn + 0,25 Cs + 0,50 Cmh$$

$$\hline Ca + Cn + Cs + Cmh$$

As anotacións Ca, Cn, Cs e Cmh corresponden ao número total de créditos que na certificación académica estean adscritos a materias troncais e obrigatorias e nos que, respectivamente, se obtiveron as cualificacións de aprobado, notable, sobresaliente e matrícula de honra. Non se puntuará o sobresaliente cando se obtivese matrícula de honra.

Non serán valorados os créditos correspondentes a materias optativas ou de libre elección/configuración. A puntuación resultante expresarase con dous decimais.

Non se valorarán as materias de idioma, relixión, formación política e educación física.

Exame de Grao: 0,25 puntos. (con sobresaliente ou matrícula de honra 0,25 puntos máis)

-Premio extraordinario: 0,50 puntos.

b) Posgrao.

-Pola realización de todos os cursos de Doutorado (sistema anterior ó Real decreto 185/1985) ou pola realización do programa de Doutorado ata o nivel de suficiencia investigadora segundo os Reais decretos 185/1985 e 778/1998, ou pola obtención do Diploma de Estudos Avanzados (DEA): 1,5 puntos.

-Título de doutor/a: 2 puntos.

-Premio extraordinario de Doutorado: 0,5 puntos.

2.2.-Continuada:

a) Pola asistencia, debidamente xustificada, a cursos de formación e perfeccionamento acreditados pola Comisión de Formación Continuada do Sistema Nacional de Saúde ou pola Comisión Autonómica, sempre que teñan un contido relacionado coas funcións propias da especialidade e que estean dirixidos directamente á especialidade á que se opta.

b) Pola asistencia, debidamente xustificada, a cursos de formación e perfeccionamento convocados e impartidos pola Administración estatal, autonómica, universidades, INEM, Cruz Vermella, colexios profesionais, organizacións sindicais ou avalados polo Servizo Galego de Saúde ou por calquera organismo público, sempre que teñan un contido relacionado coas funcións propias da especialidade e que estean dirixidos directamente á especialidade á que se opta.

c) Pola asistencia, debidamente xustificada, a cursos de formación continuada realizados en aplicación dos acordos de formación continuada das Administracións Públicas, sempre que teñan un contido relacionado coas funcións propias da especialidade e que estean dirixidos directamente á especialidade á que se opta.

d) Pola asistencia, debidamente xustificada, a cursos de formación e perfeccionamento acreditados conforme ao European Credit Transfer System (ECTS), sempre que teñan un contido relacionado coas funcións propias da especialidade e que estean dirixidos directamente á especialidade á que se opta.

-Por crédito: 0,10 puntos

-Por hora: 0,010 puntos.

A puntuación que se outorgará aos aspirantes que impartirán os anteditos cursos será de 0,20 puntos por crédito ou de 0,020 puntos por hora de docencia impartida.

Para o caso de que o certificado indique os créditos e as horas de duración, a valoración realizarase sempre polos créditos que figuren neste.

Non se valorarán os cursos realizados durante o período de especialización que estean incluídos no programa docente da especialidade correspondente.

Os cursos de prevención de riscos, de informática, de xestión clínica, de bioestatística e de metodoloxía da investigación se valorarán en todas as categorías/especialidades e co independencia da data de obtención do título esixido para o acceso ás mesmas.

Non serán obxecto de valoración os diplomas relativos á realización de xornadas, seminarios, simposios ou similares, sempre que non estean debidamente acreditados pola Comisión de Formación Continuada do Sistema Nacional de Saúde ou pola Comisión Autonómica.

2.3.-Especializada:

a) Por ter completado o período como residente do programa MIR, FIR, QUIR, BIR, PIR ou RHIR segundo corresponda á especialidade á que se presente (en España ou país da Unión Europea) ou ben ter completado o período de formación como residente nun centro estranxeiro cun programa recoñecido de docencia para posgraduados/as na especialidade á que se presente e co título validado polo Ministerio de Educación e Ciencia: 5 puntos.

b) Por ter obtido título da especialidade á que se presente como consecuencia de acceder, con anterioridade á entrada en vigor do Real Decreto 127/1984, do 11 de xaneiro, a unha praza de especialista en formación, convocada por algunha das Administracións Públicas ou Institucións sanitarias concertadas con estas e que acrediten ter realizado de xeito ininterrompido e baixo un mesmo réxime docente, os anos de formación establecidos para a correspondente especialidade, mediante nomeamento ou contrato de beca docente expedido pola devandita Administración que implique relación profesional retribuída periodicamente con cargo aso seus orzamentos: 5 puntos.

A puntuación dos apartados a) e b) son excluíntes entre si.



c) Por ter completado o período como residente do programa MIR, FIR, QUIR, BIR, PIR ou RHIR doutra especialidade distinta á que se presente (en España ou país da Unión Europea) ou ben ter completado o período de formación como residente nun centro estranxeiro cun programa

recoñecido de docencia para posgraduados/as doutra especialidade distinta á que se presente e co título validado polo Ministerio de Educación e Ciencia: 2 puntos.

A máxima puntuación que se poderá obter por formación será de **24 puntos**.

3.-Outras actividades:

a) Por traballos científicos e de investigación directamente relacionados coa especialidade á que se opta, apreciados libremente polo tribunal conforme aos seguintes criterios e táboa de valoración:

-Publicacións en revistas científicas:

Primeiro cuartil da especialidade : 0,30 puntos

Segundo cuartil da especialidade: 0,20 puntos

Outras revistas: 0,10 puntos

-Libros ou capítulos de libros:

Capítulo de libro: 0,30 puntos

Libro completo: 1 punto

Non se poderán valorar máis de tres capítulos dun mesmo libro.

Deberá presentarse copia traducida por tradutor xurado daqueles títulos ou certificacións que estean redactados nun idioma distinto a calquera dos oficiais do Estado español.

Respecto dos traballos científicos e de investigación redactados nun idioma distinto a calquera dos oficiais do Estado español, non será necesario presentar copia traducida por tradutor xurado.

Polo que se refire ao traballos publicados en revistas, tan só será necesario presentar fotocopia compulsada das follas do traballo nas que conste o nome da revista, ou título do traballo, o seu autor e a data de publicación.

En relación cos capítulos de libros, será suficiente presentar fotocopia compulsada das follas en que conste o título do libro, o título do capítulo, o autor, o depósito legal do libro e/ou o ISBN e a data de publicación.

En relación cos libros será suficiente presentar fotocopia compulsada das follas nas que conste o título do libro, o sumario ou índice del, o seu autor, o seu depósito legal e/ou o ISBN e a data de publicación.

b) Por impartir docencia posgraduada na especialidade: 0,20 puntos por ano (ata un máximo de 1 punto).

c) Por cada premio de investigación outorgado por sociedades científicas a traballos publicados en revistas científicas en materias relacionadas coa especialidade á que se opta:

-Premio de ámbito internacional: 1 puntos

-Premio de ámbito nacional: 0,50 puntos

-Premio de ámbito autonómico/local: 0,25 puntos

d) Por cada participación en proxectos de investigación do Ministerio de Sanidade e Consumo ou dun servizo de saúde:

-Investigador principal: 1 punto.

- Investigador colaborador: 0,25 puntos.

e) Por pertencer a Redes de Investigación do Instituto de Saúde Carlos III:

-Por cada Rede Temática de Investigación: 0,30 puntos.

A máxima puntuación que se poderá obter por outras actividades será de **7 puntos**.

4. Coñecemento da lingua galega.

A) Pola realización do curso de iniciación de lingua galega: **0,50 puntos**.

B) Pola realización do curso de perfeccionamento de lingua galega: **1 punto**.

A máxima puntuación que se poderá obter neste apartado será de **1 punto**.

ANEXO IV

PROCEDIMENTO ACREDITACIÓN MÉRITOS

<p>a) Formación académica</p>	<p>Acreditarase, segundo o suposto, mediante orixinal ou copia compulsada do título expedido polo Ministerio de Educación, Cultura e Deporte ou certificación da respectiva universidade, debidamente asinado, que deixe constancia de cada un dos méritos invocados polo aspirante e data en que foron causados.</p> <p>No relativo aos cursos de doutoramento, para que, o dito mérito poida ser obxecto de valoración, a certificación que se achegue deberá deixar constancia expresa de que o/a aspirante realizou todos os cursos de doutoramento e indicar o programa e créditos obtidos. Noutro suposto non se entenderá debidamente acreditado tal mérito.</p> <p>No suposto de titulacións obtidas no estranxeiro (UE) achegarase xunto coa copia compulsada do título, tradución xurada deste ou equivalente e credencial de recoñecemento da titulación expedida polo Ministerio de Educación español.</p> <p>As titulacións obtidas no estranxeiro (non UE) deberán acreditarse coa achega da copia compulsada do título, tradución xurada deste ou equivalente e documento de homologación ou validación expedido polo Ministerio de Educación español.</p> <ul style="list-style-type: none"> • Supostos específicos. <p>a) A acreditación da formación máster efectuarase mediante orixinal ou copia compulsada do título ou certificación da universidade en que conste foi superada polo/a aspirante a formación conducente á obtención do referido título, datas de realización, programa formativo e o número de horas ou créditos ECT asignados á dita actividade formativa.</p> <p>b) A docencia universitaria impartida acreditarase mediante certificación da respectiva universidade na que se fará constar expresamente o cargo docente, tipo de vinculación, departamento ou área de coñecemento na que se impartiu a docencia e datas de inicio e fin da vinculación.</p> <p>Noutro suposto non se entenderá debidamente acreditado o mérito.</p>
<p>b) Formación continuada</p>	<p>a) Recibida: acreditarase tal mérito mediante copia compulsada do certificado de asistencia ao curso en que deberá constar o organismo ou entidade que convocou e impartiu a dita actividade formativa, as datas de realización, contido do curso e número de créditos e/ou horas asignados. Xunto coa dita certificación deberá achegarse o correspondente programa formativo ou categoría/s destinataria/s.</p> <p>No suposto de cursos acreditados pola comisión nacional ou autonómica de formación continuada deberá constar o logotipo da respectiva comisión e ademais o número de expediente se se trata de actividades formativas posteriores a abril de 2007.</p> <ul style="list-style-type: none"> • Normas específicas para a formación en liña. Valoraranse aqueles diplomas de cursos on line nos que conste o número de créditos, número de expediente e logotipo da comisión de formación continuada. Non será necesario que conste o número de expediente se se trata de cursos anteriores a abril de 2007. <p>Serán válidos aqueles diplomas asinados dixitalmente por Digital Learning cun certificado dixital emitido pola Fábrica Nacional de Moeda e Timbre (FNMT), así como aqueles que se poidan referenciar a unha web verificable ou cotexable polo órgano de selección. Noutro suposto deberá achegarse certificación orixinal asinada polo órgano que impartiu a actividade formativa, que conterá toda a información esixida nesta epígrafe.</p> <p>No suposto de formación en liña con desenvolvemento nun rango de datas, será válida a formación que conste superada dentro das ditas datas.</p> <p>Valoraranse os módulos ou partes integrantes dun curso nos supostos en que quede debidamente acreditada a carga lectiva e horas/créditos asignados de forma diferenciada.</p> <p>O órgano de selección resérvase o dereito de poder exixir ao aspirante calquera documentación complementaria e/ou rexeitar calquera certificado en liña cando existan dúbidas razoables sobre a súa autenticidade.</p> <p>b) Impartida: acreditarase mediante certificación do organismo ou entidade convocante en que deberá constar o contido e destinatarios da actividade formativa, así como o número de horas de docencia impartidas.</p> <p>Noutro suposto non se entenderá debidamente acreditado tal mérito.</p>

<p>c) Formación especializada</p>	<p>No suposto de titulacións obtidas en España, acreditarase tal mérito mediante orixinal ou copia compulsada do título expedido polo Ministerio de Educación, Cultura e Deporte ou certificación emitida pola respectiva Comisión de Docencia ou Rexistro Nacional de especialistas en formación do Ministerio de Sanidade, Servizos Sociais e Igualdade de ter completado o período de formación conducente á obtención do título da respectiva especialidade, que deberá indicar a data de superación.</p> <p>No suposto de titulacións obtidas noutros Estados da Unión Europea achegarase xunto coa copia compulsada do título, tradución xurada deste ou equivalente e credencial de recoñecemento da titulación expedida polo Ministerio de Educación español.</p> <p>As titulacións obtidas no estranxeiro (non UE) deberán acreditarse coa achega da copia compulsada do título, tradución xurada ou equivalente e documento de homologación ou validación expedido polo Ministerio de Educación español.</p> <p>Noutro suposto non se entenderá debidamente acreditado tal mérito.</p>
<p>d) Docencia de formación sanitaria especializada</p>	<p>Acreditarase mediante certificación asinada pola Comisión de Docencia do centro onde se impartise esta, na cal deberá constar expresamente os períodos de desenvolvemento de tal actividade e condición en que se impartiu.</p> <p>Noutro suposto non se entenderá debidamente acreditado tal mérito</p>
<p>e) Experiencia profesional</p>	<p>A experiencia profesional acreditarase mediante certificación emitida pola Dirección de Recursos Humanos do centro ou órgano equivalente na que deberá constar a seguinte información: categoría/especialidade, tipo de vínculo (fixo, temporal, atención continuada, formación, promoción profesional temporal), réxime xurídico de vinculación (laboral, funcionario, estatutario), data de inicio e fin de cada unha das vinculacións/nº de horas no suposto de vínculos de atención continuada, total de días de vinculación, réxime de xornada (xornada completa, tempo parcial).</p> <p>No suposto de institucións sanitarias públicas, tal certificación deberá facer constar expresamente a natureza pública da institución e a súa integración no sistema sanitario público do Estado respectivo. Noutro caso a experiencia profesional non será obxecto de valoración.</p> <p>No suposto de institucións sanitarias privadas concertadas deberá quedar debidamente acreditado no certificado a existencia dun concerto co respectivo servizo de saúde autonómico ou sistema sanitario público dun país da Unión Europea nos períodos de vinculación. Noutro suposto tal mérito non será valorado.</p> <p>No suposto de institucións sanitarias privadas acreditadas para a docencia, deberá quedar debidamente acreditado no certificado que se achegue a condición de institución acreditada no ámbito do SNS ou sistema sanitario público dun país da Unión Europea para a formación de especialidades de profesións sanitarias.</p> <p>Non se valorarán as certificacións de vida laboral emitidas polo INSS nin os nomeamentos/contratos que poidan ser achegados polos/as interesados/as.</p> <p>Non será necesario acreditar documentalmente a experiencia profesional nas institucións sanitarias do Servizo Galego de Saúde e entidades públicas adscritas á Consellería de Sanidade, así como a condición de centro concertado co Servizo Galego de Saúde.</p>
<p>f) Publicación de traballos científicos e de investigación</p>	<ul style="list-style-type: none"> • Revistas científicas indexadas en Pubmed. Non será necesaria a súa acreditación documental. O/a aspirante consignará na aplicación informática, no espazo habilitado para o efecto, o código de identificación PMID e rexistrará manualmente a información relativa a número de sinaturas, número de orde de sinaturas e tipo de publicación. O sistema realizará a captura automática da información relativa aos outros campos da base de datos de Pubmed para a súa posterior validación. • Revistas científicas indexadas no CSIC (ICYT, ISOC), IBECs, Web of Knowledge (Wok), Embase, PsycINFO. Acreditarase tal mérito mediante certificación ou copia impresa autenticada pola editorial responsable ou organismo público con competencias en xestión e arquivo de publicacións. Na certificación ou copia impresa deberá constar o nome da revista, o título do traballo, o seu autor e a data de publicación. • Libros/capítulos de libro editados en papel. Deberá achegarse copia compulsada das follas en que conste o título do libro, o título do capítulo, o autor, editorial, o seu depósito legal e/ou ISBN/NIPO, lugar e ano de publicación e índice da obra. Ademais deberá quedar acreditado o número de páxinas do libro/capítulo e que tal publicación está avalada por unha institución pública, académica, sociedade científica ou realizada por editoriais científicas de recoñecido prestixio. • Libros editados en formato electrónico. Acreditarase tal mérito mediante certificación ou copia impresa autenticada pola editorial ou organismo público con competencias de xestión e arquivo de publicacións, na que se fará constar a autoría do capítulo e demais datos bibliográficos básicos que identifiquen a obra e/ou capítulo (autores, data de publicación, edición, ano, URL e data de consulta e acceso). Tal publicación deberá estar avalada por unha institución pública, académica, sociedade científica ou realizada por editoriais científicas de recoñecido prestixio. <p>Noutro suposto non se entenderá debidamente acreditado tal mérito.</p>

j) Premios de investigación	Acreditarase tal mérito mediante copia compulsada do diploma de concesión. Se no diploma non consta expresamente o seu ámbito, deberá complementarse tal documentación coa achega das bases de convocatoria do premio. Noutro suposto non se entenderá debidamente acreditado tal mérito.
h) Proxectos de investigación	A participación como investigador principal no proxecto de investigación acreditarase mediante copia da publicación oficial da resolución de convocatoria, sempre que consten os datos necesarios para identificar o proxecto e o investigador, ou certificado de participación expedido polo organismo financiador, no cal consten os datos identificativos do interesado e do proxecto no que participa. A participación como investigador colaborador acreditarase mediante a presentación da copia de resolución de convocatoria se nela consta tal participación. O/a aspirante deberá constar como parte do equipo investigador definido no documento de solicitude do proxecto ou en documento posterior que así o acredite no caso de que houberse cambios no equipo investigador ao longo da súa vixencia. No suposto de que o organismo convocante non expida certificados de participación, deberá achegarse certificado asinado polo investigador principal en que conste a identidade do/s colaborador/es, notificación acreditativa de concesión do proxecto ao investigador principal expedida polo organismo e copia do proxecto orixinal enviado a convocatoria no cal deberá constar a identidade dos investigadores colaboradores.
i) Compulsa de documentos	As copias dos documentos acreditativos de méritos que se acheguen deberán estar cotexadas polo responsable do rexistro onde se presenten ou compulsadas por notario ou funcionario público acreditado para a realización de tales funcións.
j) Tradución de documentos	Cos títulos ou certificacións que estean redactados nun idioma distinto a calquera dos oficiais do Estado español deberá xuntarse a súa tradución ao castelán ou galego, que deberá efectuarse: a) Por tradutor xurado, debidamente autorizado ou inscrito en España. b) Por calquera representación diplomática ou consular do Estado español no estranxeiro. c) Pola representación diplomática ou consular en España do país de que é cidadán/ cidadá o/a solicitante ou, de ser o caso, do de procedencia do documento. Respecto dos traballos científicos e de investigación redactados nun idioma distinto a calquera dos oficiais do Estado español, non será necesario presentar copia traducida



ANEXO V

SOLICITUDE DE INSCRIPCIÓN COMO ASPIRANTE Á COBERTURA TEMPORAL COMO FACULTATIVO ESPECIALISTA DE ÁREA NA ESTRUCTURA ORGANIZATIVA DE XESTIÓN INTEGRADA DE OURENSE, VERÍN E O BARCO DE VALDEORRAS

ESPECIALIDADE	
---------------	--

DATOS PERSONAIS	
Apelidos e nome:	N.I.F.:
Enderezo:	Poboación:
Provincia:	Teléfono:
Data de nacemento:	Discapacidade: Grado igual ou superior ao 33%.....
Familia numerosa: Categoría especial Categoría xeral ...	

CONVOCATORIA

Resolución da Xerencia de Xestión Integrada do 11 de marzo de 2016	DOG núm. 63, do 4 de abril de 2016
--	------------------------------------

SOLICITA:

Sexa admitida a presente solicitude para participar na convocatoria da praza arriba indicada e declara que son certos os datos que figuran na solicitude.

En, a de 2016

Asdo:

XERENCIA DE XESTIÓN INTEGRADA DE OURENSE, VERÍN E O BARCO DE VALDEORRAS
C/ RAMÓN PUGA, 52-54
32005 OURENSE

Relación de documentos que se achegan coa solicitude (Base 3ª da Convocatoria):

- Exemplar de autoliquidación de taxa destinado á Administración cumprimentado pola entidade bancaria ou documento que o substitúa.
- Fotocopia compulsada do DNI ou do pasaporte ou documento que acredite a identidade, nacionalidade e data de nacemento do interesado, así, como, de ser o caso, as circunstancias do dereito a que se refire a alínea a) do artigo 30.5 da Lei 55/2003, do 16 de decembro, do Estatuto Marco do persoal estatutario do Servizos de Saúde.
- Fotocopia compulsada da titulación esixida á praza solicitada.
- Copia dos xustificantes dos méritos aportados ou indicación de validación dos mesmos no expediente-e.
- Declaración responsable de non ter sido separado do servizo, mediante expediente disciplinario, de calquera Servizo de Saúde ou Administración pública nos seis anos anteriores á convocatoria, nin atoparse inhabilitado con carácter firme para o exercicio de funcións públicas nin, de ser o caso, para a correspondente profesión.
- Certificación médica acreditativa da capacidade funcional para o desempeño do posto de traballo.
- Informe FIDES de validación de méritos
- Fago valer os méritos xa presentados no expediente electrónico do SERGAS (expediente-e). Neste caso non será necesario presentar de novo a documentación xa presentada no expediente-e.
- Memoria realizada nun máximo de 5 follas escritas a dobre espazo.